



Broj: 01-07-10-269-12/2024  
Datum: 15.10.2024. godine

## Izveštaj o zaprimljenim i riješenim zahtjevima za pristup informacijama u periodu od 1.7.2024. godine do 30.9.2024. godine

Ovaj Izveštaj je dio izvršenja zakonske obaveze proizašle iz člana 17. Zakona o slobodi pristupa informacijama na nivou institucija Bosne i Hercegovine („Službeni glasnik BiH“, broj 61/3; u daljem tekstu: Zakon).

Visoko sudsko i tužilačko vijeće Bosne i Hercegovine (u daljem tekstu: VSTV BiH/Vijeće) je u periodu od 1.7.2024. godine do 30.9.2024. godine, **zaprimilo 23 zahtjeva za pristup informacijama, te 5 žalbi** izjavljenih Žalbenom vijeću pri Vijeću ministra Bosne i Hercegovine, koje su obrađene u skladu sa odredbama navedenog Zakona. Tražene informacije odnosile su se na odluke o poništenju konkursnih procedura VSTV-a BiH; nacionalnu i polnu strukturu nosilaca pravosudnih funkcija; lične informacije o uposlenicima VSTV-a BiH; statuse predmeta, potvrđene tužbe i druge informacije iz predmeta Ureda disciplinskog tužioca (u daljem tekstu: UDT) VSTV-a BiH; podatke o ličnom i radno-pravnom statusu uposlenika Suda Bosne i Hercegovine; podatke iz anonimnih prigovora upućenih VSTV-u BiH; podatke u vezi sa imenovanjem nosilaca pravosudnih funkcija; podatke o učešću sudija i drugog nesudskog osoblja u određenim predmetima; podatke o načinu odabira sudija za suđenje u određenim predmetima; statističke podatke iz CMS-a i TCMS-a; te podatke iz nadležnosti sudova.

Sve zahtjeve su uputila fizička lica.

Pristup informacijama **odobren** je u 3 (tri) slučaja u skladu sa članom 25. stav (1), a u vezi sa članom 26. stav (4) Zakona.

**Djelomično je odobren** pristup informacijama u 5 (pet) slučajeva, na način da je podnosiocu zahtjeva dostavljen dio informacija traženih zahtjevom, dok su u dva slučaja zahtjevi zaključkom odbačeni u jednom dijelu zbog neposjedovanja informacija, u jednom slučaju je odbijen pristup dijelu informacija iz disciplinskog postupka koji nije okončan, u jednom slučaju je ukazano da je ranijim rješenjem Vijeće odlučilo odbiti pristup ličnim informacijama uposlenika VSTV-a BiH, te je u još jednom slučaju odbijen pristup dijelu zahtjeva kojim su traženi podaci lične prirode.

U navedenom periodu zaprimljena su 4 (četiri) zahtjeva koja su **van nadležnosti** VSTV-a BiH, te su, shodno zakonskoj proceduri, prosljeđena nadležnim tijelima na dalje postupanje.

Pristup informacijama **odbijen** je u 3 (tri) slučaja, te je u 1 (jednom) slučaju zahtjev zaključkom **odbačen kao neuredan** jer nije sadržavao obavezne elemente ni nakon upućivanja korigovanog zahtjeva za pristup informacijama.

U 4 (četiri) slučaja upućen je **poziv za ispravku**, u skladu sa odredbama člana 23. stav (3) Zakona, odnosno člana 25. stav (2) i stav (5) Zakona te je u 3 (tri) slučaja podnosiocima

zahtjeva upućena obavijest da se **podnesak ne smatra zahtjevom**, u skladu sa članom 23. stav (6) i članom 26. stav (2) Zakona, budući da zahtjeva analitiku i kreiranje nove informacije.

U navedenom periodu, upućeno je 5 (pet) **žalbi Žalbenom vijeću pri Vijeću ministra Bosne i Hercegovine** (u daljem tekstu: Žalbeno vijeće), od čega su 2 (dvije) riješene na način da je Žalbeno vijeće donijelo rješenja kojim su žalbe odbijene kao neosnovane. U skladu sa rješenjem Žalbenog vijeća po 1 (jednoj) žalbi na rješenje VSTV-a BiH iz 2022. godine, postupilo se u skladu sa presudama Suda Bosne i Hercegovine, na način da je postupak vraćen VSTV-u BiH na prvostepene odlučivanje. Naime, doneseno je rješenje kojim je odobren pristup dijelu informacija, dok je u preostalom dijelu zaključkom odbijen pristup informacijama zbog neposjedovanja istih. Nadalje, u 2 (dva) slučaja su izjavljene žalbe na prvostepena rješenja, te je VSTV BiH dostavio Izjašnjenja Žalbenoj komisiji o činjeničnom stanju u spisu. Rješenja Žalbene komisije u ova dva predmeta još nisu donesena.

Prema informacijama kojima raspolaže Vijeće, nije bilo inspekcijuskog nadzora i registrovanih prekršaja zbog povrede prava na pristup informacijama i ponovne upotrebe dokumenta.

Sastavni dio ovog Izvještaja čini detaljni statistički pregled zahtjeva za pristup informacijama koje je VSTV BiH zaprimio u skladu sa Zakonom u formi Excel tabele.

Izvještaj sačinila:



Edisa Šikalo, službenica za informisanje